

**შპს „ლუკოილ-ჯორჯია“ აცხადებს ტენდერს ნავთობპროდუქტების  
ტრანსპორტირება საქართველოს მაშტაბით (ნავთობბაზა - ავტოგასამართი  
სადგური)**

**ტენდერის პირობები**

**თავი I. საერთო დებულებები**

1. სამუშაოები უნდა განხორციელდეს კომპანიის მიერ, რომელსაც შეუძლია შპს „ლუკოილ-ჯორჯიას“ მიერ შესაძენ სრულ მომსახურებაზე წვდომა, ხარისხიანი მომსახურების გაწევის სერვისი.
2. შპს „ლუკოილ-ჯორჯიას“ პირობები ტენდერში მონაწილე კომპანიებისთვის:
  - გადახდის ვადა (კონსიგნაცია) 30 სამუშაო დღე;
  - ღია ტენდერის საგანი: ნავთობპროდუქტების ტრანსპორტირება საქართველოს მაშტაბით (ნავთობბაზა-ავტოგასამართი სადგური).
  - ტენტერის ვადა: 2 (ორი) წელი ხელშეკრულების გაფორმების დღიდან;
  - 2025-2026 წლებში გადასაზიდი ნავთობპროდუქტების დაგეგვილი მოცულობა - 163 884 171 ლიტრი;
  - ტრანსპორტირება ხორციელდება სამი ნავთობბაზიდან: ს. ძეგვი, ქ. ფოთი, ყულევი.
  - ტენდერი იყოფა ოთხ ლოტად, რომელიც გადანაწილებულია რეგიონალური პრინციპით და მიწოდების ოპტიმალური მანძილის შესაბამისად;

**თავი II. სატენდერო წინადადება უნდა მოიცავდეს შემდეგ ინფორმაციას:**

**1. კომპანიის (პრეტენდენტის) შესახებ ინფორმაციას:**

- აუცილებელი პირობა - მონაწილე აუცილებლად უნდა იყოს კომპანია- რეზიდენტი;
- კომპანიის სრული დასახელება;
- იურიდიული მისამართი;
- ფაქტიური მისამართი;
- ტელეფონი, ფაქსი, ელექტრონული ფოსტა;
- საკონტაქტო პირი;
- საბანკო რეკვიზიტები;
- კომპანიის ხელმძღვანელ(ებ)ის მონაცემები;
- მსგავსი მომსახურების გაწევის გამოცდილების შესახებ მონაცემები;
- სერტიფიკატი ან დოკუმენტი, რომელიც ადასტურებს, რომ ტენდერში მონაწილეს აქვს უფლება გასწიოს მსგავსი ტიპის მომსახურება.
- კომერციული წინადადების ღირებულება მოცემული უნდა იყოს ეროვნულ ვალუტაში.

**2. საკვალიფიკაციო დოკუმენტები ტენდერში მონაწილეობისთვის წარსადგენად:**

- პრეტენდენტის ამონაწერი მეწარმეთა და არასამეწარმეო(არაკომერციულ) იურიდიულ პირთა რეესტრიდან;

- შესაბამისი ორგანოების შეტყობინება ლიკვიდაცია-რეორგანიზაციის პროცესის არ არსებობის შესახებ;
- საჯარო-სამართლებრივი შეზღუდვების არ არსებობის შესახებ ცნობა;
- მსგავსი მომსახურებების შესახებ გამოცდილება;
- ტენდერის მონაწილის ინსტრუქცია - ხელმძღვანელის მიერ ხელმოწერილი;

### **3. სატენდერო წინადადება**

- ტენდერში მონაწილის კომერციული შეთავაზება, უნდა წარმოადგენდეს, დღგ-ს ჩათვლით და დღგ-ს გარეშე, ეროვნულ ვალუტაში.

### **სატენდერო პროცედურებები**

#### **1. ტენდერი ჩატარდება ღია ფორმით**

1.1. ტენდერის თარიღი – **17 დეკემბერი 2024 წელი, 15:00. შპს ლუკოილ ჯორჯიას სათაო ოფისში.**

1.2 ტენდერის ჩატარების ადგილი - თბილისი, მტკვრის მარჯვენა სანაპირო, გოთუას ქუჩის მიმდებარე ტერიტორია, შპს, ლუკოილ-ჯორჯია“-ს ოფისი.

1.3 ტენდერის მონაწილეებმა სატენდერო წინადადება უნდა წარმოადგინონ დალუქულ კონვერტებში 2024 წლის 10 დეკემბერს 17:00 საათამდე. მონაწილის კონვერტები წარმოდგენილი უნდა იყოს პრეტენდენტის ინსტრუქციის 12.3 მუხლის შესაბამისად. კონვერტზე მითითებული უნდა იყოს მონაწილის სახელი.

1.4. კონვერტები მონაწილეთა მიერ წარდგენილი უნდა იყოს შემდეგ მისამართზე: თბილისი, მტკვრის მარჯვენა სანაპირო, გოთუას ქუჩის მიმდებარე ტერიტორია, შპს, ლუკოილ-ჯორჯია“-ს ოფისი.

1.5 ვაჭრობაში მონაწილეობს ორგანიზაციის-პრეტენდენტის არაუმეტეს 1 წარმომადგენელი.

1.6 კონვერტები კომერციული წინადადებებით იქნება გახსნილი ტენდერის დროს, რომლის შემდეგაც გაიმართება ვაჭრობა პრეტენდენტებს შორის.

#### **განსაკუთრებული პირობები**

1. ხელშეკრულება გაფორმდება ტენდერის იმ მონაწილესთან, რომელიც სრულად აკმაყოფილებს სატენდერო კომისიის მოთხოვნებს.

2. გამარჯვებულთან ხელშეკრულება გაფორმდება არაუგვიანეს 30 კალენდარულ დღისა ღია ვაჭრობის დასრულებიდან და საკონკურსო კომისიის გადაწყვეტილებიდან.

3. თუ წინადადება, რომელიც ტენდერის მონაწილემ წარმოადგინა, იქნება არასწორი ან არასრული, მოხდება ამ მონაწილის დისკვალიფიკაცია.

4. წინადადების განხილვის დროს კომისია უფლებას იტოვებს მოითხოვოს დამატებითი დოკუმენტაცია აუცილებლობის შემთხვევაში. კონკურსის მონაწილის მიერ დამატებითი დოკუმენტაციის წარმოდგენლობის შემთხვევაში, მოხდება მისი დისკვალიფიკაცია.

5. კომპანია არ აგებს პასუხს ხარჯებზე, რომლებიც გაწეულ იქნა ვაჭრობის პროცესში მონაწილის მიერ, იმისდა მიუხედავად გაფორმდება თუ არა ამ მონაწილესთან ხელშეკრულება.

6. კომპანია არ არის ვალდებული გააკეთოს თავისი გადაწყვეტილების ახსნა-განმარტება მონაწილეებისათვის ტენდერის ჩაშლის ან საბოლოო გადაწყვეტილების თაობაზე.

7. შპს, ლუკოილ-ჯორჯია“ არ იღებს ვალდებულებას, რომ დადებს ხელშეკრულებას ტენდერის რომელიმე მონაწილესთან.